

沈乃文主編

明別集叢刊 第三輯

第十六冊

黃山書社



國家出版基金項目


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第三輯

第十六冊

黃山書社



(明) 殷士儋 著

金輿山房稿十四卷

明萬曆十七年邵陞刻本

金輿山房稿卷之一

濟南殷士儋正夫著

門人東阿于慎行可遠編輯

餘姚邵 陞世忠校正

紹興孫 綜文秉

鄒陽劉應麒道徵 同訂

樂章

伐倭虜告祭 南郊五成

迎神

皇仁覆物兮播玄功祚我昌運兮萬國同錫純祐兮

金輿山房稿卷之一

富眇躬彼夷孽兮何怙終叩天威兮靖域中仰靈駕

兮來蒼穹前飛廉兮後豐隆恍如臨兮方昭融

初獻

赫赫上帝鑒觀有符精禋既潔感格不誣泰壇孔肅

玄酒在壺酌言獻之真宰是孚冀驅群醜眷茲玉圖

亞獻

天啓有明百神率職殄逆助順無征不克九州奠安

維帝之德載獻載趨既齊既稷

終獻

我將我享薦此芳馨憐彼下民庶昭聖靈四夷來賓

邊圉永寧保我皇家億萬斯齡

送神

禮樂成兮精益虔瞻神馭兮儼欲旋願垂祐于無斁

兮荷繁祉其綿延

告祭 北郊五成

迎神

神祇博厚兮奠群生配天協德兮維安貞睠疆場兮

塵未清猥醜裔兮猶稱兵仰神祐兮期盪平展方澤

兮竭丹誠雲為馭兮霓為旌靈之駕兮紛來迎

初獻

金輿山房稿卷之一

父天母地至仁罔極綏靖寰宇保我家國酌獻惟虔

肅敬翼翼敢告靈祇武事預飭皇威誕敷凶逆是殛

亞獻

地載萬類寔統元形承天之施得一以寧薦此清酌

載求厥靈祐我中土蠻夷來庭

終獻

梁盛既潔齊明是將精誠感通昭格洋洋威稜贊翼

我我用張邊燧永清海波不揚

送神

靈之格兮來何方靈之歸兮餘景光獻禮終兮敬不

忘靈眷眷兮綏壽昌

平倭告祭 太廟五成

迎神

天祚明運世隆丕圖撫有方夏至化誕敷皇威遠播
海邦獻俘允茲武功受成廟謨爰告祖考精誠是孚
彤蠶端臨昭融顯符

初獻

維皇列祖聖聖相承祐啓後人洪基永寧式靖南土
殄厥不庭駿育孔肅綏我思成於赫居歆濯濯厥靈

亞獻

金輿山房稿卷之二
肅肅清廟奕葉重光海氛滅息威武奮揚保我皇緒
萬世永昌爰酌爰獻德音不忘

終獻

旨酒既潔粢盛既豐仰答皇眷恭祀是崇神錫純嘏
垂裕無窮朔南咸暨西夷會同

送神

神主在室神靈在天禮成樂闋神返上玄永惟休祐
百順無愆大業緝熙億萬斯年

告祭 社稷五成

迎神

神司土穀兮福生民扶我皇祚兮靜妖氛日吉辰良
兮展明禋靈駕戾止兮來繽紛

初獻

南夷告平海宇永清社稷是賴默相其成醴薦維虔
廣樂在庭報茲顯休載輸悃誠

亞獻

俎豆兮苾芳酒斟兮再將靈壇兮昭朗降格兮洋洋
功成兮告捷率土兮樂康

終獻

酒三獻兮禮無違靈鑒止兮揚光輝蠻方邊兮咸來
金輿山房稿卷之二
威昭皇度兮式九圍

送神

享祀備兮神將旋送靈駕兮回旌旃祐我昌運兮垂
千年文德誕被兮武功宣

頌

聖壽永康頌

皇矣上帝鑒觀有孚微妙玄通昭格不誣祚我 明
運世隆丕圖貞元會合昌紀是符篤生我 后顯顯
令德聖敬惟純王猷允塞履道順貞乘乾順則光膺
駿業誕受方國 垂衣端拱化洽政成惠澤既溢太

和既蒸際高蟠深浹遐洞冥神人履種吉協庶徵
祉薦黃輿瑞降蒼昊苑秀嘉禾山開閭寶令辰屆期
慶鍾壽考百祿來臻景命天保延曆 帝錄春錫孔
彰隆號鴻名對越有光介以萬壽曰壽永康同天之
尊治世無疆爰稽遐邇歷選往辟允惟義舉聯輝比
蹟積感斯應匪德時獲 帝命有常靈昭奕擇我
皇建極寶契上玄動息遊衍與 帝周旋得名得壽
克配彼天萬福所綏厥惟自然 皇德匪解聖不自
聖既多受祉益勤祇敬臣拜稽首獻詩紀盛我 皇
萬歲永答天命 聖皇萬壽長生永膺

金輿山房稿卷之五

五

天祐頌

道生天地萬物之宗清虛易簡微妙玄通抱元含一
洞極參同歷劫常存神化無窮維我 聖皇躬秉至
道濟哲淵淵獨觀秘奧統一至真握其樞要膺錄受
圖撫世弘教 乾父坤母體合自然博厚配地高明
配天精神感通元化昭宣一炁潛孚玄之又玄昭明
上帝臨下有赫乃春斯顧祐于一德惟 聖時憲
順帝之則保祐命之永錫爾極 皇建其極歛福錫
民無黨無偏王道是遵和氣致祥至誠感神休徵畢
集符應屢臻天不愛道地不愛寶兔瑞龜靈嘉禾芝

草顯示 玄恩俾 君壽考悠久無疆後天不老奕
奕 宸居巍巍 帝庭駿業鼎新 景祚中興萬方
來賀攸躋攸寧綏以多福如日之升允矣 聖皇維
天之子肖 天之德荷 天之祉 萬壽長生自
今以始小臣獻頌庸附 國史

天錫三垣壽瑞頌

元始化樞肇生萬類至誠感神太和啓瑞休積之應
厥以類至 上帝不言默示以意我 皇御世合德
九玄妙闡希夷契悟真詮配天作極象帝之先文武
聖神獨秉其全 天鑒厥德綏以繁祉實錄延生億
萬斯紀靈物駢臻光圖耀史咸毓 帝庭式昭盛美
維兔卯屬瑤光之精玉質呈奇久視含靈歲育十子
帝錫孔明昌期載合祺壽是徵厥月維丁厥時維
午 景度三輪 皇受多祐四瑞降祥誕于玄圃預
兆仙齡歡傳快觀珍符顯示昊春日隆百神效職萬
福攸同虔告 祖考爰獻仙宮祇奉玄恩益欽以崇
大道混濛 皇得其密宇宙泰和 皇會其適百順
為福 皇履其極元會運世 皇邁其曆粵稽維聖
無如我 皇超玄合化大烈耿光神人慶戴既壽永
昌後天不老悠久無疆

金輿山房稿卷之六

六

瑞應嘉禾頌

維德格天有感斯孚太和保合瑞應不誣瞻彼籍田稼穡千畝嘉禾載生厥穗惟偶昔聞連穎已足稱奇矧茲異本七十有時擢秀相比垂實交映迄用康年丕顯帝命亦有珍異輝史耀圖靡切率育奚闕有無孰若茲禾民生斯倚瑞啓天田王業攸始允惟聖皇欽福錫民百神效職靈異屢臻仁化昭融玄澤汪濊培灌既深苞萃自異穀符演卦泰象懸珠祥徵往歲皇情以娛今此靈禾厥數孔煥亦若坤祇默握其美聖壽伊通誕發景祥明昭眷錫降福穰金輿山房稿卷之二

穰西成奏功郊廟祇薦孝洽蒸嘗慶流畿甸帝

則謙冲應天以實丕受靈承益勤無逸歷觀前古惟

我后德小臣作頌以示罔極

旌亭坊頌六章

明德遠矣受命溥將實右序有周世有哲王子孫千億率由舊章開國承家悠久無疆

振振公族咸有一德踐修厥猷鮮不為則君子有孝子其儀不忒大猷是經古訓是式

父母生我永言孝思就養無方孔惠孔時不弔昊天

棄予如遺泣血三年室是遠而

皇祖有訓立愛惟親曾孫是若肫肫其仁孝思維則正是國人以篤周祜時乃日新

皇帝清問綏予孝子維周之積世濟其美若汝子嘉表厥宅里用成前顯德謹終于始

永世克孝禮義不愆以燕翼子作周恭先周邦咸喜所寶惟賢宗公於斯萬年

敬一亭銘

於穆不已天道之妙惟敬惟一聖學之要洋洋睿謨昭揭孔章巍巍茲亭顧諟不忘湯盤日新武廟敬義心法相承曠世一致純德丕顯啓佑在斯慎始圖終金輿山房稿卷之二

欽哉訓辭

五言律詩

董別駕之壽春

春雪滯歸鴻離筵惜暫同名家滄海右薄宦楚雲東月映清淮水花明丹桂叢遙知參佐暇吟眺思無窮曹子貞之南雍

朱山人

舊遊芳草遍千里一舟還日出海邊樹雲歸江上山金陵雄帝宅壁水啓賢關珍重兩都賦無嗟客鬢斑自愛華山隱悠然遠俗氛登巖觀海日掃石卧江雲

嘯傲琴樽興追隨猿鶴群逃名甘寂寞祇恐漢庭聞
劉希宏驛宰之高郵

迢遞淮南驛風烟隔楚波潮平漁火近日落客帆多
遠樹生鄉思青山入棹歌春來見芳草知爾憶鳴珂
董少府之興化

愛爾諸昆季森森瓊樹枝宦游仍接壤勲業況同時
簿領才何屈雲山興獨奇西堂應見夢春草入幽思
沈太守還順慶

雙旌引高蓋五馬去駢駢計日已童候朝天漢吏歸
青山仍郡郭芳草徧郊畿回首君恩重雲中望紫微
金輿山房稿卷之一

王御醫東歸

幾年清禁直忽念白雲遠遠水孤舟別平田獨鶴歸
山中仙酒熟雨後石芝肥舊業燒丹處杏林花欲飛
柳亭

楊柳年年綠山亭人未歸每懷桑梓地時夢薜蘿衣
曉漏趨丹禁春風戀翠微金門仍大隱終悔故山違
張司城致仕

十年從薄宦華髮嘆先秋薜蘿牽歸夢風塵屬倦遊
挂冠辭魏闕枕石卧滄洲時與忘機叟閒觀海上鷗
懷王鍊師

吾意亦松子仙踪不可求焚香清露夕吹笛白雲秋
避俗塵囂絕通靈道衍優何時一相遇共泛五湖舟

劉文學之靈壽

匹馬出長安朔雲生暮寒青山畿輔郡白首廣文官
對雪猶分袂逢春憶采蘭天涯有知己長缺未須彈
絳袖恭順溫僖皇貴妃挽歌

松館星初霽椒庭露易晞終天戀宸扆永夜閤泉扉
塵暗班姬輦雲寒秦女衣何時馭青鳥環珮月中歸
莊敬太子挽歌

玄雲迷桂寢仙駕指蓬瀛端弁虛新典承桃切聖情
金輿山房稿卷之一

前憐沉碧海落照掩丹旌後夜維山上應聞子晉笙
挽高安人

碧霄沉寶瑟瑤瑟暗金徽湘水流無盡滇雲夢已違
空餘鶯語在不見錦軒歸萬里蒼山道寒猿啼落暉
郭易挽歌

薄宦歸無業鳥懷老益堅鴻冥元避俗蟬蛻忽登仙
舊館淒涼雨新阡渺莽烟獨慙成宅相灑淚渭陽篇
立春夜同謝茂秦李子鱗宅賦

寒夜同樽酒驚逢客裏春殘燈話鄉曲浮世嘆風塵
宦旅空華髮山人自葛巾年來成底事翻媿滯朝紳

庚申守歲集杜句二首

臘近已含春山杯竹葉新世人共齒莽我輩本常貧
茅屋還堪賦花溪得釣綸卜居期靜處拖玉豈吾身

其二

四十明朝過空催犬馬年翰林名有素鄉黨敬何先
勲業頗有鏡喧爭嬾着鞭無才逐仙隱不敢廢詩篇

辛酉春日集杜三首

近賀中興主龍飛四十春朝儀限霄漢北極捧星辰
用拙存吾道乘時各有人乞歸優詔許懷舊並霑巾

其二

金輿山房稿卷之一

萬象皆春氣溶溶滿太虛羲和流德澤皇極正乘輿
禁掖用從改朝廷記憶跡故園花自發巡圃念携鉏

其三

歸隱故里前後間清塵同調嗟誰惜他山自有春
興來猶杖屨結愛獨荆榛農務村村急田家敢忘勤

閏試晚出左掖

一介衡茅士操觚試禁林摘文無藻思許國有丹心
閏闔秋陰轉明光晝漏沉迴瞻九重闕藹藹瑞雲深

望雨

何日霽玄渥吾將問化工野人憂國計天子念民窮

露禱聞中禁寅清格上穹風雲終會合霖雨萬方同

土河水泮

上苑和風早御溝春水生冰漸千片斷日彩一川明
波煖宜通楫流清可濯纓樂觀魚藻詠涵育比恩榮

曉入內苑聞鶯

曙色明華闕鶯聲滿上林雲韶一派出烟樹九重深
帶露猶疑怯臨風覺易沉應憐衆芳晚花外散餘音

孝烈皇后挽歌

驚馭聲金掖仙游向玉京紫微殘月冷玄寢暮雲平
遺烈輝彤管悲歌咽鳳笙坤儀思厚載彌切萬方情

金輿山房稿卷之一

榮淑康妃挽歌

昔夢蒼龍兆先開玄鳥祥金閨方沐寵寶鏡忽靈光
夜壑松雲冷虞歌薤露長甘泉凝望切安得月支香

張文中歸省

久欽平子賦喜接仲容賢閨閥傳江表衣冠來日邊
勝游淹旅食清夢繞歸船南去聞征鴈應知別思懸

高樹早涼歸

宿雨澄新霽夜來殘暑收涼風起庭樹蕭瑟入清秋
一葉露中落數螢天際流感時懷楚曲獨立思悠悠

中秋內直雨後觀月

直廬依禁苑佳節值中秋雨霽河陰澹天空月色流
桂香浮玉宇水彩漾瓊樓坐覺清光近疑從霄漢遊

馬上見西山

攬轡長安道悠然見遠山橫峰森列戟絕壁屹重關
宅險皇居壯防秋戍候閒晚來佳氣合常護紫微間
海水知天寒

極目眺滄海寒波晚正深平沙留雪迹孤嶼咽潮音
蜃市玄雲合鮫宮白日陰感時占雀蛤化理識天心
蕭別駕之廣西

抱璞三湘客分符萬里遊清樽燕市月別路桂江秋

金輿山房稿

卷之一

十三

郡不辭荒徼心非厭敝裘懸知勾漏近將為訪丹丘
答許孟玉

故人千里外南望渺愁予燕市相逢日濮陽別後書
無因見顏色相報媿瓊琚遙憶幽棲處高齋松月虛
姚尹之魯山

送客官臨汝山川入望平都門芳草色驛路早鶯聲
花落松庭寂月涼琴館清知君能化俗絃誦滿春城
壽張郡幕

東郡辭簪組汾陰洽薜蘿丹砂塵外訣白雪醉中歌
雲近瑤尊滿春和玉樹多仙郎新捧檄樂事復如何

後九月九日賞菊

嘉節欣逢閏東籬再舉觴佩萸尋舊約采菊挹餘芳
劇賞情猶健高吟興轉長還思汎玉醴捧以壽君王
挽吳徵君

一自仙翁逝忽驚二十秋粉榆悲杖屨奕葉衍弓裘
魏闕新恩渥泉臺夙願酬重來展丘壠雨露滿松楸
潘兵憲之信陽

秋日餞五御史

金輿山房稿

卷之一

十四

微雨逢驄馬山亭秋氣新臨風同送遠酌酒莫辭頻
建節迎關吏登車別故人清時朝野肅無復事埋輪
揚王伯還關西

卓犖五陵豪寧親不憚勞暮烟縈碧樹春草映青袍
遠別驚千里薄遊感二毛歸來訪丹訣雲卧隴山高
蔡少府之陽武

承恩新結綬百里佐鳴琴驅馬踏芳草春風汴水潯
花時思對酌松下自長吟僻邑閒無事日聞絃誦音
章僉憲之江西

攬轡出都亭雙旌引使星嚴程芳草碧別夢遠山青

雨露分注國雲霄戀闕庭獨慙留滯客閑閣抱遺經

梁封君

芳草滇雲路肩輿萬里來鸞書天上出鷺錦日邊裁

瑞彩明華屋恩波入壽杯蒼山還舊隱回首戀蓬萊

張虞部謫判昆陵

西風對尊酒還客去如何濟變才名久承平國論多

燕臺饒草樹吳舫隔烟波別後還相憶秋空有鴈過

秋夕四首

窮秋值搖落人事總悲涼骨肉頻年哭塵緣浩劫忙

上乘三藐法大道九還方不用求知解鴻濛話太詳

金輿山房稿

卷之一

十五

其二

地偏黃菊晚院靜碧梧寒留客聊同語尊尊強盡歡

舊遊成夢幻新貴滿長安自信甘遲鈍途窮豈足嘆

其三

往事嗟何及新醪醉可求風雲隨變態松菊耐高秋

嬾性清時忌浮生靜者優逃名堪自適得喪付虛舟

其四

有懷常作惡兀坐但書空白雪愁難和青雲媿早通

吟成祇自遣興到不求工知己時相約秋山杖屨同

飲張曜如宅次韻

黃花秋徑滿綠蟻夜尊空酒為形忘醉家從世講通
宦情濃更薄詩興苦尤工莫訝留連久相憐病偶同

高節婦卷

秦臺人去後蘭閣靜沉沉幾夜夢黃鸝終天聞素琴
幽懷一秋水高節雙南金白髮殘機在年年只此心

余郎中別業

別業溪山勝開軒堂構新琴尊洛叟社俎豆孟家隣
世澤流芳遠君恩錫命頻門庭題額處字字述絲綸

五言排律

金輿山房稿

卷之一

十六

春夜同潘民部張轉運高藩史集許毅卿宅分

韻得長字

玉琯動春陽華燈對晚觴雪晴歸鴈候星聚浣花堂

共擬梁園賦同懷漢署香真情見膠漆秀句吐琳琅

北海頻投轄西征久擅場王門今董賈相府舊金

張轉運公從羅賓主東南美琴書興味長談玄俱不厭

浮白總相忘附驥慙吟社焚魚且醉鄉時名付公等

吾志在滄浪

劉伯東民部督餉山西

海右多名士君才倍有光論文今博雅折獄古循良

籍金閭彦分曹華省郎籌邊當鴈塞駐節控龍荒
歲計勤肅曉天驕數跳梁終軍氣何壯劉晏畫偏長
烟樹聲京邑風雲接太行清笳聞野戍白草望沙場
明月人千里寸心天一方幾時重握手共醉話清狂

上林春晚

春色皇州早龍樓啓曙光清波搖太液旭日上扶桑
禁柳和烟濕宮花拂霧香林疎鴉睡起沙暖鴈迴翔
鳳吹聞長樂鶯歌遶建章遙瞻天闕迥雲樹靄蒼蒼

趙萬舉守淮安

聞道淮陰郡與圖屬上游雲連江國曙地接海門秋

金輿山房稿卷之二

一

特簡中朝彥遙分南顧憂青山迎列戟芳草待扁舟
楚甸歌新牧瑯琊識故侯津橋通晚泊膏壤課春疇
樹色依官舍潮聲入驛樓知君富登覽吟興滿滄洲

樂孔原之漂水

祖席秋風晚芳洲白露零銅章秦茂宰綠鬢漢明經
弭棹寒依浦移帆曉帶星潮聲楊子渡王氣蔣山靈
蘿月當琴館棠陰開訟庭別來幽思切春草望中青

東村紀游四十韻

世際雍熙運人歌大有年匪才叨伴食殊眷賜歸田
服擬桓生侈名慙疏傳全賁金稱惠養給傳遺榮還

月露公儲繼與臺從隸便永懷博質朽深荷帝恩
偏適時堪歲拙明農合避賢三緘恒慄慄六戒自拳
拳斷羞操術雕蟲耻闢妍病難干嫗室貧不置平
泉頗解苟非相何煩屈卜筮炎涼俱任態恭倨總隨
緣真率從吾適塵囂寧爾牽客來或謝絕興發屢招
延蔬果無無味殺羞豈萬錢豪吟推許史醉草愛張
顛遠踐荒村約同叅廢寺禪掀髯催舉白促膝叩談
玄琴弄梅花古尊嘗竹葉鮮圍碁局勢變躡鞠社情
圓問字羅群彥開筵列八仙平蕪聊縱騎廣陸况宜
政宿衲聲鍾近晨門負弩先聚觀驚衮舄獻舞墮珠
金輿山房稿卷之二

十八

鈿訪戴舟宜感悲休創欲懸死生成契濶童稚賴陶
甄彭澤公詩誦洪崖寔比肩修文嗟杳漠接武羨聯
翩好締朱陳舊盟尋管鮑堅壯心渾未艾華髮各相
憐並抱烟霞癖都忘節序遷覆蕉知夢幻作繭笑綿
纏勝集郎塘外佳期雨雪前遠觀齊物論大雅起予
篇抵掌頻傾座挑燈忽滿箋果能超覺海迥不落言
詮學步故愈失追歡詎偶然對牀經信宿把袂復留
連破例推敲就分題唱和傳紀游媿草草安得筆如
椽

初入館讀書述懷

聖明儲俊彥樛櫟荷甄收濫被金門詔叨陪玉署遊
牙籤繡閣籍素飽媿芳羞日近龍樓曙霜清鳳沼秋
承恩慙陋質補治乏訐猷徒抱傾葵志何緣答袞旒

春祀泰陵

孝皇臨御日海宇沐休風恭已勤宵旰欽天慎始終
道高三后並仁洽萬方同一自違宸扆空聞抱帝弓
寒雲淒碧殿春雨悶玄宮漠漠松楸色瞻依恨不窮

玉河烟柳

帝里乘清曉春風滿御堤霏烟兩岸合弱柳萬條齊
杳靄看如織葱蘢望欲迷輕陰連內苑空翠印前溪
不見流鶯度惟聞深樹啼

秋扇

流塵暗織紋光輝比圓月時序訝浮雲
昔爾乘三伏清風散八垠棄捐今寂寞懷握舊慙慙
應為氣歛絕非緣涼燠分九重思鮮阜還擬助南薰

嘉穀登場

萬寶西成候登場禾稼同涵濡因帝澤培植自神功
合穎昭靈貺實堅愜聖衷瑞圖光舜典雅曲繼豳風
寢廟款時薦黔黎樂歲豐普天欣擊壤歌舞慶遭逢

劉少府還歷城

轉餉遼京闕相逢暫繫珂方茲展清讌忽復聽離歌
尊酒落花滿客程芳草多青山遲旅宿遠樹入吟哦
擁節迎童竹停車問野禾軫農憂水旱懷杞倦催科
郡閣觀朝雨湖亭泛夕波此時應見憶千里思如何

壽莊母

景福培元化貞姿毓厚坤柔嘉閨範肅聖善母儀敦
四德徽音播三遷雅教存詩書光奕葉燈火戒晨昏
九憶和熊味機留斷織痕河東聞擬鳳瀛海竟飛鯤
桂苑榮通籍萱幃慰倚門綵衣明綬錦仙醴獻瑤尊
鶴筭延靈籙龍章出帝閭珠翹宜白髮共喜荷天恩

壽孟母

蘭室春暉滿萱幃愛日長龜齡登八袞鳳紀屬三陽
寶婺輝瑤席雕盤和玉漿花迎新綵服雲護舊封章
帝闕恩方渥仙家樂未央年年人日後常醉紫霞觴

壽元老相公

御極當堯舜匡時付禹臯三台秉鈞軸五最紀銓曹
舊德光麟畫新恩建鳳毛華夷知姓字鍾鼎勒勲勞
運際風雲合名齊山斗高旂幟依藉久獻頌幾抽毫

閔學憲之山西

秉筆侍金閨聲華枚馬齊南宮推藻鑑北闕拜芝泥

使節分懸訪人文屬品題旌飛汾水曲傳擁太行西
曉漏陪趨直秋風惜解携知君別後夢彷彿對青藜

送崔中舍

帝遣皇華使乘槎天上來玉魚頌近屬金馬重仙才
詞翰崔亭伯丰儀褚彥回高談濟水濶歸夢楚雲開
然諾初傾蓋邀歡數舉杯分曹俱侍從岐路且徘徊
宸扆虛前席名賢總上台南還有奇策早晚獻蓬萊

少宰林公之留都

八閩鍾間氣華胄又崢嶸世接尚書履家聯學士纓
摘文披琬琰作賦協韶經史勒名山勝書繡太乙精

金輿山房稿

卷之一

二十一

橋門初振鐸執苑屢持衡雅志冰同潔清標玉比瑩
經緯資啓益帝德藉匡成駿業時方茂聲華衆所
傾疏恩元北闕拜命却南征六代山川麗三銓位
望清未歸鵠鵲觀暫別鳳凰城驛路春蕪滿江門曉
漲平斷金聊此隔倚玉豈勝情華月搖離席浮雲逐
去旌慇懃酬春渥珍重紹勛名會見金甌覆還來輔
聖明

張諭德奉詔歸省

鳳掖標芳藻龍庭振羽翰謀猷陳帝側聲望洽朝
端暫輟談經直爰思戲綵歡歸心遡蒲坂行色動長

安雲舍瞻依近星槎歷覽寬玉音恩賜傳錦軸誥理
鸞椒醕迎春綠葵忱向日丹佇看僊馭轉聯珮侍金

鑾

五言絕句

團硯二首

誰鑿端溪石不見廬隅痕虛中自可貴渾璞況猶存

其二

德靜與地同形圓與天肖曉爾一片石無此而儀妙

五言古詩

擬此日不再得

金輿山房稿

卷之二

二十二

此日不再得一失難挽留及時忘自勗欲悔嗟何由
俯仰宇宙間蠢爾良可羞百年等朝暮何以異蜉蝣
身從洙泗來絕學幾千秋寥寥三代後化理誰遠猷
紛華通相高淳風逐頽流丈夫期自樹寧隨世沉浮
道德非孔顏事功未伊周本分猶云歎焉能遂優游
寸陰輕尺璧無祇恣窮搜萬化在此心豈必勞旁求
聖賢彼何人莫謂非吾儔立志果賢貞高遠安足憂
積功虧九仞一篲成崇丘為與不為爾勉之勤進脩

擬西北有織婦

二八閨中婦當窓理機杼孤燈半明滅夜分未安處

織成自裁製遙寄向桑乾不辭縫紉苦但念征戍寒
憶昔初嫁君所願同偕老一朝成阻絕萬里關山道
衷情無由達極目空秋草昨夜夢邊陲與君相追隨
慙慙不見慰遠出翻成疑起視明月光皎皎在羅帷
妾心亦如此君會有歸時

元胡二太史冊封諸藩

昔也陪芳躅承恩寓中秘旦莫偕息游覲德每心醉
繾綣未幾時睽別一何易君行指南國肅命頒周瑞
建節發上京擁傳聯車騎專對重藩服展省諧歸志
同袍出租餞瑤華兢相遺匪才嘆留滯瘵素良以媿
金輿山房稿卷之二十三
所知日云遠索處憂顛墜北風雨雪寒川途邈悠思
來展無定端會合難預覲勉平生言令猷期終嗣

周貞吉之濟南推官

周生青雲姿奮迹自梁苑家學本淵源詞華復清婉
賦策臨明時直濟限戚畹東藩股肱郡佐理司邦讞
握手京陌間別我情繾綣末俗兢操切頻流下馳坂
哀矜垂詩訓天道詎云遠東濕喘寧成絃歌頌言偃
擇術安所如古治疇當返勉哉勗令猷行矣加餐飯
遺愛祠

楚山高不極沔水日東馳憶昔雪岑翁出牧多宣慈

江山留往蹟草木被恩私善感一何深歲久有餘思
景陵江口樹鬱鬱護新祠遺像肅瞻拜俎豆羅芳采
春秋獻祠下老稚歡且悲不見道州民生子呼陽兒
不見峴山巔猶存墮淚碑俯仰懷古今比德固相宜
直道在人心誰謂愚可欺

君子以恐懼脩省

大易啓玄象存雷切幽警哲人洞化原沉幾每先炳
淵氷時在念惕厲發深省孚感良不誣天命由茲永
月夜同于鱗茂秦集伯承宅話遊西山

同有秋山期塵羈負奇絕因君話碧雲為我歌白雪

金輿山房稿卷之二十四

烟蘿憶幽踪霜月對高潔便欲乘風游禪關叩真訣
七言律詩

賜見東宮於昭保室賜酒醺謝恩

詔許東朝謁帝館瑞雲縹緲護齊居重輝快覩前星
彩異渥叨承湛露餘卜曆已知同海嶽食珍深媿報
瓊琚佇看講幄虛延問日覲龍姿侍直廬

張仁伯使江西諸藩

四月南風芳草多星槎遙泛楚江波宗盟卜世分桐
葉鄉夢先秋到薜蘿擁節晝遊經玉笥會香宵直憶
鑾坡逢君來歲花時約斗酒論文一醉歌